

PPren hauteskunde programa herritar guztientzat dela dio Iturgaitzek

Konstituzioa eta Estatutua hartu ditu oinarritzat programa egiteko

Hauteskundeetan erabiliko duen leloa erabaki du PPk. Lelo horren hitz gakoa *guztiok* izango da, alderdi abertzaleek gizarteko sektore bat baztertuko dutelakoan baitaude. Bakea bigarren mailan geratuko da eta indar handienak EAJri aurre egiten erabiliko dituzte.

Felix Iriarte / Gasteiz

SU-ETENAK PPren asmoak hautsi ditu hauteskunde kanpainari dagokionez. ETaren iragarpenaren aurretik kanpainaren ardatza tinkotasunaren inguruan egitea pentsatu zuten, baina azken orduan aldatu egin behar izan dute. Azkenik, erabaki dute ardatz hori jeltzaleen politikaren arabera egitea, eta hortik atera dute lelo berria: *Guztion herri baten alde*.

Lelo horrek esan nahi du, Carlos Iturgaitz PPko lehendakariak atzoko aurkezpenean adierazi zuenez, herri honetan guztiok kabitzen direla, eta herri honek leiala izan behar duela arau nagusiekin, Konstituzioarekin eta Estatutuarekin alegia.

Jeltzaleek eta abertzaleek popularren kritikak jasoko dituzte kanpainan. Izan ere, erakutsi nahi dute proiektu erabat ezberdina aurkezteko dutela. Hala aitortu zuen Iturgaitzek: «Abertzaleek politika frentista egin nahi dute, eta guk herritar guztiei zuzendua. Izan ere, behar-beharrezkoa da gizarteko hausturak gainditzea, euskaldun guztiok batuko gaituen proiektua».

Bakea popularren hitzaldien bigarren ardatza izango da. Kanpainako lelotik at geratu da hitz hori, eta gai horren inguruan



Carlos Iturgaitz, hauteskunde kanpaina aurkezteko atzo eginiko ekitaldian.

JOSEBA OLALDE

Estatutua oinarri

EAEko hauteskundeei begira PPk egin duen programak hamar atal ditu. Honako hauek dira garrantzitsuenak:

- ✱ **Gernikako Estatutua.** PPren oinarritzako erreferentzia bihurtu da. Estatutua «leial» garatzeko hageita hamar proposamen zehatz egin ditu.
- ✱ **Hirigintza.** Larria omen da Euskal Autonomia Erkidegoko egoera, etxebizitzena batez ere. PPk azaldu duenez, salneurriak hain dira garestiak Bilbon eta Gasteizen, non asko Mirandara eta Castrora joan diren bizitzera. Hori saihestu nahi duela adierazi du PPk.
- ✱ **Euskara.** Euskaraz ez dakitenen eskubideak zaintzea ezinbestekotzat jotzen du alderdi popularrak. Kulturari dagokionez, «aniztasuna» errespetatzeko eskatu du.
- ✱ **Administrazioaren erreforma.** Alor publikoa «ahal den guztia» murriztea nahi dute. Gainera, ez omen da eraginkorra, defizitarioa izateaz gain.
- ✱ **Bakea.** Demokraten batasuna, Zuzenbide Estatuaren defentsa eta biktimei laguntzea. Hiru oinarri bakea erdiesteko.

esango dutena Madrilek aginduko du. Iturgaitzek, alderdiko zenbait militanteren aurrean, ohar-tarazi zuen «zuhurrak» izan behar dutela su-etenearekin, eta Aznar Espainiako gobernuburuak egin dituen elkarrizketak txalotu zituen, bakea erdiesteko erarik eraginkorra delakoan.

Bakeak «guztiona» izan behar duela esan zuen. «Bakeak ez du abantaila politikorik ekarri behar, guztiona izan behar du eta euskal herritar guztiontzako. Horregatik bakea ezingo da abertzalea izan», adierazi zuen.

Iturgaitzen arabera, «bake abertzalearen» lehen ondorioa «Estatutua ukatzea» izan da, eta hori ez zaio bidezko iruditu, «egongaiztasuna ekarriko duela».

Nazioarteko frontea lantzen jarraituko du HBk

■ *Prozesu berrian nazioarteak izan behar duen inplikazioaz ohartu dira bisitatutako herrialdeak*

Ainhara Zuazabeitia / Donostia

EUSKAL HERRIAK Espainiako eta Frantziako estatuarekin duen gatazka politikoa azaltzeko HBk nazioartean egiten ari den lanarekin jarraituko duela esan zuen atzo Mahai Nazionalako komunikazio arduradunak, Juan Joxe Petrikorenak. Berriki lortutako Lizarrako Akordioak eta ETaren su-etena «lan hori azkartu eta biderkatu» egin dutela adierazi zuen, «harremanen dinamika indartuz». Petrikorenak esan zuenez, ekimen gehiago egingo dituzte aurrerantzean ere. HBko ordezkariak Argentinara eta Uruguaira irailan egindako bisitadia azaldu zuten. Herri Batasu-

naren arabera, harrigarria da «euskal gatazkarekiko nazioartean dagoen ulermen eta harmen maila». Jasotako harrera onerako «futsekoak izan dira Lizarrako Adierazpena eta ETaren su-etena».

Miriam Campos HBren nazioarteko batzordeko kideak Argentinara egindako bidaia azaldu zuen. Adolfo Perez Esquibel bake nobel saridunarekin bildu ziren «Euskal Herrian izandako aldaketak eta Lizarrako Akordioa azaltzeko». Camposen arabera Perez Esquivel eta Argentinako hainbat erakundek dei egin diote Espainiako Gobernuari, ETaren su-etenen ondoren, euskal gatazkari irtenbide politikoa bila-



Mikel Korta, Juan Joxe Petrikorenak eta Miriam Campos.

JAGOBA MANTEROLA

tzen saiatzeko, eta berdinean egin dute Uruguaira alderdi politikoei ere. Mikel Korta HBren Ameriketako harremanetarako arduradunaren esanetan, «oso ongi ulertu dute Euskal Herriak momentu historikoa bizi duela

eta garaia dela Espainiako Gobernuak une hau aprobetxatu eta irtenbide demokratikoa bilatzeko». Prozesu honetan nazioartekoak izan behar duen «inplikazioaren garrantzia ere ohartu dira», Mikel Kortaren ustez.

laburrean

■ **PPk errekurtsioa aurkeztu du EITBk EHri leku egitearen aurka**

EAE-KO Hauteskunde Batzordea Euskal Herriarrok hautes-elkarteak EITBn Herri Batasunaren lekua hartzearen alde agertu zen, eta hala, EITBko Administrazio Kontseiluari arrazoi eman zion. PPk, ordea, ez du gustuko ebazpen hori, eta errekurtsioa aurkeztu du. Errekurtsioa Madrilgo Hauteskunde Batzordearen aurrean aurkeztu du PPk, eta beraz, azken erabakia Madrilen esku egongo da. PPren aburuz, «EHk aurkeztutako hautagaitza ezin da inondik inora 1994an HBk aurkeztutakoarekin nahastu; asko jota, hautagairen batean bat etor daitezke, baina horrek ez du esan nahi politikoki gauza bera direnik». EAEko Hauteskunde Batzordearen aurrean UAK ere errekurtsioa aurkeztu zuen, baina Madril en ez du errekurtsioa egin.

■ **Juan Carlos Garcia aske utzi dute baldintzapean**

BASAUARIKO espetxean preso zegoen Juan Carlos Garcia Velasco preso bilbotarra aske geratu zen asteartean. Garcia baldintzapeko askatasunean utzi dute, zigorraren hiru laurdenak bete ostean. Amnistiaren Aldeko Batzordeak jakinarazi dutenez, azken urtean baldintzapeko askatasuna aplikatzen zaien lehenengo preso politikoa da Garcia, baldintzapeko askatasunean kalera irteteko egoeran beste 120 preso dauden arren. Juan Carlos Garcia 1993ko apirilean atxilotu zuen Espainiako Poliziak, eta hiru egun inkomunikatuta eman ostean espetxeratu egin zuten. Urte horretako abuztuan aske utzi zuten 500.000 pezetako fidantza ordainduta. Ondoren, epaiketan zigortu egin zuten eta poliziak 1997ko otsailaren 7an atxilotu eta espetxeratu egin zuen, eta geroztik Basaurin izan da. Omenaldia larunbatean egingo diote, arratsaldeko 20:00etan, Bilbo Zaharreko plazan.

■ **Bakean inplikatzeko eskatu die epaileei Aitor Fresnedo presoak**

AITOR FRESNEDO eta Agustín Almaraz aurkako epaiketa izan atzo Entzutegi Nazionalan, Telefonikako eta BBVko egoitza batzuei eraso izanaz akusatuta baitaude. Aitor Fresnedo presoak hitza hartu zuen, eta zera adierazi zien epaileei: «Gogoratu nahi dizuegu, sistemako zati gisa, duzuen ardura. Zuek guri egurra ematen inplikatu zarete gerran. Bakean inplikatu al zarete?».